

اسلام گزینی

مدیری: حلیم ثابت

۲۷ جمادی الاولیٰ ۱۳۳۲

۱۰ نisan ۱۳۳۰

صافی ۶

ییل ۱

تذکیده رعایت اولتمه سی لازم یتنه برنجی ادب واردر :

(۱) بوغاز طامارلری قطع ایتدکدن سوکرا بویون که مککرینه ، حیوانک ایلکنه طوقتماق ضرورتسز الم ویرمک احتماله کوره ، حرام اولور .

(۲) حیوان بوغازلامق ایچون مخصوص برستور بر تعین ایتک ؛ چونکه انسان کوزی اوکنده ، چوجقلر اوکنده حیوان بوغازلامق ممنوعدر .

(۳) بوغازلامه دن اول حیوانی صولامق ؛ یومشاقلق ایله حیوانی صول طرفه یاتیرمق ؛ ایاقلری باغلامق ؛ ذبحدن سوکرا حیوانی کندی حاله براقمق ؛ چونکه حیوانک حرکت اضطراریه سی حیوانه بر پارچه راحتک ویره ییلور .

(۴) بوغازلانمق حیوانلره ییغنی کوسترمه مک ؛ حیوانک کوزی اوکنده حیوان بوغازلاماق ؛ جانی تمام چیقمازدن اول حیوانک درینسی یوزمک ؛ اغضالری کسمه مک ؛ یوکلری یوللامق .

(۵) اللری قوتلی ، غاقل آدم ذبح ایتک .

اللری ضعیف انسان ذبح ایدرایسه ، حیوانک المی زیاده اولور . ضرورتسز الم زیاده لشدیرمک حرامدر .

صبی ، مجنون ذبح ایدرایسه ، حیوان میته اولور ، حرام اولور .

بزم شریعت اسلامیه نظرند حیوان یا ذکیه در ، یا میته در . ذکیه خلال اولور . میته حرامدر ، اکلی ده جائز دکلدور ؛ طعام اولق اوزره یعنی ده جائز دکلدور . یعنی مسلمانلره حرام طعامی اجنیلر ده صاتمق جائز دکلدور .

اسلامیتده ذبیحه مسئله سی هم ضرورت هم طهارت هم مرحمت هم امانت اساسلرینه میندر .

اسلام صوادی

باب مشیخت

داراللموافت باب فتراسلک براقنسی — کچلرده کوشخانه لی بعضی قارده شلریق طرفتدن جمعه و بایرام نمازلورنده خطبه لری تورکجه اوقونملری جائز اولوب اولادینی استفتا ایدیلش . باب والای فتواده تورکجه خطبه مک تحریم مکروه اولدینی ییلدیرمشدور .

بزه حالا بو دورلو فتوالرده دوام ایدیله سنک معناسنی آکلایه میورز . عجب ،

بوفتوا هانکی اساسه مستنددر ، نورکجه خطبه نیچون مکروه اولیور ، بوتک کراحتی
 نره دن آ کلاشیلور ؟ - بز ایشته بوجیهلری آ کلاهدیق : آنکچون متحیرز .
 ییلورز که برشیئک ، بالخاصه عباداتده تحریماً کراحتیه قائل اولقی ، حرمت ایله حکم
 ایتک کی برشیدر؛ شرعاً امر عظیمدر . عجباً ، بو آدمراصل اولیورده وبالبدن قورقما یورلر .
 استانبول :

تورک یلکی درنگی — اولجه تشکل ایتش اولدینی یازیلان یلکی دونکینک
 اسلامیات شعبه سی کچن ۲۱ مارتده برنجی اجتماعی عقد ایتشدر . اجتماعده درنه کک
 انضامندن سید ، رضا توفیق ، کوک آب ، شیخ محمود ، فرید ، مصطفی شرف ، حلیم
 ثابت ، عبدالاحد بک وافندیلر حاضر بولمیشلردر . سید هاشم بک تأخیری قابل اولیان
 بر معذرتدن طولانی برنجی اجتماعده حاضر اوله میه جغنی ییلدیرمش ، موسی کاظم افندی
 حضرتلرینکده رسمی بر مشغولیتدن دولانی کلامدیکی آ کلاشیلشدر . ابوالعلا ، شیخ
 الیق ، موغلی رضا ، شرف الدین بک وافندیلر تشریف ایتدکلی حالده اکثریت حاصل
 اولدینندن درنک نظامنامه سنک ماده مخصوصنه توفیقاً شعبه ایچون موسی کاظم افندی
 رئیسکده ، حلیم ثابت افندی ده کاتبلکه انتخاب اولمش و موکرا اصول مساعی حقنده مذاکره
 جریان ایتشدر . درنک اسلامیات شعبه سنده موقع مذاکره قونیه جق مسائل علیه
 ایله بوراده اوقوتان تبعاته مستند علمی راپورلر مجموعه عن ایله پی در پی نشر اولونه جقدردر .
 تورکستان :

سیرکده انتباه اداره لری — پشک شهرنده مکتب ایشلری ایلرویه دوغرو
 یوزومکده دوام ایدیور ، اصول جدیده اساسی اوزرینه قورولان «مدرسه اجتهادیه» ده
 ۱۲۰ دن زیاده اسلام چوجنی منتظم تربیه کورپور . بری باش اولاق اوزره مقتدر
 بشی مملک کیجه لی کوندوزلی سی و غیرتلی نتیجه سی اوله ورق طلبه غایت ای ینیشیور
 وروسبه پی آق جوق الله ایدیورلر . پشپ بک قیزلر مکتبی ده آیدر . بوراده ۶۰
 قدر قیز اوقیورمش . ایلرو کلنلر سنه آتیه دن اعتباراً هر ایکی مکتبک پروغراملری
 تنسیق ایله برله شدیرمک استه برلرلرمش . الله یارد مجیلری اولسون .
 روسیه :

سلمانیه مطبوعاتی — شوکونلرده پترسبورغده تشکل ایدن مطبوعات سرکیستدن
 آلان معلوماته کوره کچن ۱۹۱۴ سنه سی روسیه ده مسلمانجه اوله ورق ۶۷ تورلو
 کتاب و رساله نشر ایدیلشدر . بونلرک ۲۶۷ سی قازان ، ۹۴ ی آذربایجان ، ۹۳ ی
 قازاقجه ، ۴۳ ی عربجه و عثمانلیجه ، ۲۵ ی ساده عربجه اولوب فارسی و داغستانی و سائر
 دیل و شیوه ره آنجق برر ایکیش اثر اصابت ایتکده در .

پترسبورغده مسلمانیه فرقه سی — کچن سایلمزدن برنده روماده کی مسلمان
 مبعوثلره یاردیجی اولقی اوزره تشکل ایدن مسلمان فرقه سنک جانلاندیریلق ایسته نیلیدیکی
 یازیلش ایدی . بووادیده صرف ایدیلن غیرتلیک حقیقه موقتیلر تأمین ایتدیکی

آکلاشیلور . فرقه نیک دوام وجودی ، ایشلرینک تعقیبی . ایچون اقتضا ایدن یازمده ایدیل حوضه سی وقریم مسلمانلری طرفندن تدارک ایدیلشدر . بوندن بویله فرقه نیک چالیشمه سی قالیور ، دیمکدر .

ایدیل حوضه سی :

نظام نصل فسخ ایریلور — سارتیبیق شهرینک ایکنجی جامع امام وخطیبی شیک مسلمان جریده لرنده «اعلان شرعی» تنوانیه شویله بریائنامه نشر ایدیور : «سیمبرسق ولایتی اشلانقا قریه سی منسوبیتندن صادق حافظ اوغلینه معلوم اولسون ، که سارتیبیق شهرنده اقامت ایدن زوجیه سی علمی جان اجلال الدین قیزینه کندینک نروده اولدیقتی بیلدیروب یاتینه آلدیرمازسه ونفقہ ویرمه مکده اصرار ایدوب شوسنه نیک ۱۵ نیایینه قدر رسمی برخبر کوندرمزسه اورنبورع مفتیلکنک ۲۲۹ نومرولی فرماته امتالا آرالرنده کی نکاحی شرع شریفه موافق اوله رقی فسخ ایده جکم .»

مانچوریا :

قاریین مسلمانلری — خارپینده کی مسلمان مطالعه خانه سندن برسته طرفنده ۱۲ بیک ۸۵ ذات استفاده ایتشلر . بونلردن ۴۷۸۵ ی مسلمان ، قالانلری روس ، یهودی ، کورجی وسائر ملتدر . ۹۸۹۵۰ دفعه کتاب ویریلش . مطالعه ایدیلن کتابلردن ۳۴۷۴ دانه سی مسلمانجه (تورکجه ، تاتارججه ، عربجه) قالانلری روسجه دره . کچن شباتک اورتالرنده مسلمان اصول جدیده مکتبنک امتحان مجاسنده خارپین مجدینک استنبالی تأمین ایچون وقف خانه آلق اوژره اعانه دفتری کشادینه قرار ویریلش ، درحال ایشه باشلانهرق بردن ۷۵۰ روبله ۹۰ کاپک اعانه درج ایدیلشدره . وارا اولسون غیور مسلمانلره .

مصر :

ازهر علماسنمه اتباه عهده منتری — کچنلرده ازهر علماسندن بعضلرینک تشبیه بین العلما بر مجلس عقد ایدیلش و علمانک اسلام عالنده کوریلن هر در لوحرکته ، اتباهه قارشی دائما لاقید قالدقلری ، میسیونرلر طرفندن اجرا ایدیلن هجوملره ، تعریضلره قارشی ساکت بولندقلری ، عبادتله قاریشان بدعتلرک ازاله سنه چالیشمه مدقلری ، عملکنده کوتدن کونه توسع ایتکده اولان دینجه مبالا تسزلق جریانک اوکته کچه مدقلری وسائر برچوق دردلر اورتایه دوکولشدر . اوزون مذاکره دن سوکرا اجله علمادن متشکل علمی بر انجمن تأسیسه قرار ویریلوب درحال ایشه باشلانمش ؛ استاذ شیخ یوسف دجوی رئیسکه انتخاب اولنوب انجمنک نظامنامه سی جامع الازهر شیخه تقدیم اولمشدر .

انجمنک مقصدی شویله خلاصه ایدیله بیلیر :

دینک مدافعه سی ، هر در لوسؤاللره شبهه لراه جواب اعطاسی ، بدعتلرک ازاله سی ..
الله یاردجیلری اولسون . عجباً ، بزم خواجه لرمرده نه زمان بویله علمی اتباه اماره لری کوریلکه باشلایه جق ؟ ..